




日本政記

四

土岐文庫
文庫17
W197
4



文 17
W197
4

日本政記卷之七

賴襄子成前著

光孝天皇

諱時康。仁明第三子。母女御藤原氏。贈太政大臣總繼女。在位三年。

致元一。曰仁和。崩。壽五十八。葬葛野郡田邑陵。

春二月。天皇卽位于大極殿。尊先帝曰太上天皇。太政大臣基經。左大臣融。右大臣兼左大將多。大納言兼右大將良世並如故。基經請罷攝政。使融多代任。不許。夏五月。敕諸博士議。太政大臣有職掌否。在唐朝。相當何官。六月。特詔萬機依舊。



010185189703

先稟太政大臣基經。而後奏聞。

仁和元年_{己丑}春。賜基經宴內殿。爲度僧五十人。壽

其五十。又賜游獵地一處於攝津。以藤原佐世

爲大學頭。初佐世爲基經家司。薦令與大學生對

策。前文章博士都良香謂人曰。藤氏何求不得。乃

又如此。欲使吾曹何處生活。佐世遂及第。爲得業

生。累遷右少辨。奏貸新錢三十貫於左右京職。以

其息充學寮生徒菜資。冬十二月。下信濃守橘

良基刑部獄。良基屢直務富民。治爲當時最。其民

有與怨家相關者。請太政官訴之。官遣使鞠訊。怨

家良基命叔訴者。官符譴責不服。乃名之推斷。未

竟卒。良基歷任五國守。罷還。不載資糧。其子嘗問

治民術。對曰。百術不如一清。及卒。家無餘儲。中納言

在原行平。賻絹布纜得葬。

二年_{丙寅}夏。以肥後攝津豐後甲斐四國守。經年不

赴任。敕降位一階。奪其告身。以左中辨平季長

爲問山城民苦使。季長奏請停諸院諸官。及諸王

臣家。或爭民戶田。或奪浮浪財物。不勝國郡司關

入邑里。遊相壓略者。又奏請民囑託勢家。不出國
宰。爭訟財物者。不限士浪。不論蔭贖。決杖百所。
爭物。悉沒官。院宮各家司。並科違敕罪。奏可。季長
葛原親王孫也。

三年。丁未秋八月。帝不豫。召太政大臣基經。立第七
子定省爲皇太子。尋崩。初。帝多子。憚基經未敢立
太子。及是。基經入卧内。請有不諱。傳位於誰。帝曰。
唯公擇之。對曰。王侍從可謂定省也。上悅。召定省。
右執其手。左執基經手。泣曰。朕與汝得位。皆大臣

力。慎勿忘。既出。率百官上表。立之。帝有志興舊典。
屢御外朝視事。

宇多天皇

諱定省。光孝第七子。母班子女王。

寬平傳。位皇太子。後三十四年崩。壽六十五。火葬大内山。

冬十一月。天皇卽位于大極殿。太政大臣基經。左
大臣融。右大臣兼左大將多。大納言兼右大將良
世並如故。基經乞歸政。不許。敕萬機無巨細。關白
基經。關白始此。尊生母從二位女御爲皇太夫人。
四年。戊申春三月。詔以太政大臣基經准三宮。初。帝

即位詔基經有宜以阿衡之任為卿任語左大辨
 橘廣相所草也。或謂阿衡位高不預事。基經不懌
 曰。然則吾閑人耳。命放厩馬。奏曰。臣聞阿衡無職
 掌。崇高可知。以臣擬之。恐非所堪。然居無職之地。
 固臣素志也。帝驚優詔諭。廣相草詔失朕本意。朕
 欲庶政仍舊。關白於公。垂拱仰成而已。基經乃奉
 詔。秋九月。敕圖殷周唐名臣像於紫宸殿障子。
 納內大臣高藤女為更衣。冬十月。右大臣兼左
 大將源多麁納基經女為女御。

寬平元年己酉冬十一月聽基經乘腰輿入朝。以大
 納言良世兼左大將。中納言源能有兼右大將。能
 有文德皇子。是歲鑄寬平大寶錢。
 二年庚戌冬十二月基經疾乞解職。優詔許之。
 三年辛亥春正月。太政大臣基經薨。敕廢朝三日。贈
 正一位。封越前公。謚昭宣。世稱堀河大臣。二月。
 召讚岐守菅原道真為藏人頭。道真上狀辭不聽。
 三月。以大納言良世為右大臣。兼左大將如故。
 召大宰大貳藤原保則為左大辨。先是保則在朝。

不得意曰吾老矣宜預修冥資聞讚岐多紙請為
讚岐守曰吾欲寫佛經耳州民多學法律健訟自
保則來人重廉耻及除宰府鎮西多盜史不能禁
保則知其由飢寒賑給慰撫政尚清簡乃無盜民
安之帝聞而召之尋任參議兼民部卿

四年

壬子

夏五月敕藏人頭菅原道真撰類聚國史

五年

癸丑

春二月罷左大將良世以源能有代之中

納言藤原時平兼右大將時平基經子夏四月

立敦仁親王為皇太子藤原高藤女所生以源能

有為傳是歲高藤女為女御

六年

甲寅

夏五月唐使來秋八月以參議菅原道

真為遣唐大使報之聞唐亂不果行遂罷使不通

九月新羅海賊入寇筑前守文室善友防戰大

破之斬其將領十四人先是西邊數有寇警敕太

宰府曰勿以兵故令農失時且防且耕至是府驛

奏寇復至尋捷報至

賴襄曰宇多之為英主也其攬權柄振紀綱躬
勤儉舉賢能以宗廟生民為心所以接天智桓

武之業者不必論也。獨觀其處分邊防。足以知其他矣。宰府數奏寇警。詔曰。勿以兵故失農時。且防且耕。大哉言乎。可以爲百世法也。大凡太平之世。四海無虞。文恬武熙。一有風魚之警。上下相驚。奔走警告。差將吏。運糧仗。國內爲之騷擾。而寇爲何者。來爲何由。或未之知也。來於東則東奔。來於西則西奔。來者之虛實未確。而奔者已罷極矣。以彼爲虛。以廢我防。而實矣。其力不可支也。以彼爲實。以盡我防。而虛矣。其費不

可給也。如是數次。國有不內壞者乎。嗚呼。亦盍不反其本思之。沿海之鎮。何爲而置哉。其將吏守何職。兵卒服何業。我預於平日。命爲之處置。無非備寇。寇至有戰而已。何必擾擾來告我。我亦何必擾擾往援之。帝之意。蓋亦如此而已。但雖將卒備矣。未有不食而能戰者也。故曰。勿廢農時。且耕且戰。夫使戰而無耕。何資以戰。耕而無戰。亦何損於國哉。故寇有虛有實。而國無損有益。故曰。帝之言。可以爲百世法也。帝不徒言

之也。當時寇出於實。而筑前守防戰大捷。其効驗如此。雖然。當時所以能爲此言成此効者。又有其本焉。本者何也。曰。叔權柄。振紀綱。躬勤儉。舉賢能。以宗庶生民爲心。

七年

卯

春二月。定置左右檢非使廳。敕中納言兼

民部卿菅原道真。錄囚徒。帝患多滯獄。故有此令。

每日聽斷。無少遲緩。道真多所平反。三月。敕申

禁王臣家出舉私物。貸民求利。犯者沒物科罪。

秋八月。左大臣源融薨。融嵯峨皇子。嘗造別業于

宇治嵯峨。及東六條河原。窮極詭麗。稱河原左大

臣

八年

丙辰

秋八月。以藤原良世爲左大臣。源能有爲

右大臣。兼皇太子傳如故。九月。廢一條太后藤

原氏流僧善祐於伊豆。以有醜聲也。冬十月。太宰府奏慶雲見。公卿表賀。以爲政和德至之應。詔曰。朕卽位九載。水旱癘疫。兵興盜起。政和德至之言。可以偷置齒牙乎。君臣一體也。朕耻。卿等亦可耻。勿爲虛賀。又敕服御常膳。旣減省。准舊四分一。庶舉塵露之積。以成禮節之和。豈圖水旱相仍。諸國闕調。百官乏俸。不怨天。不責人。朕自取之。今重減三分一。省年料雜物之半。其餘用度。中分以折。旣無謀於富國。唯合體於貧民而已。告中外。知朕

意焉。

十一月。左大臣良世致仕。

九年。夏六月。右大臣能有甕。以藤原時平爲大納言。兼左大將。菅原道真爲權大納言。兼右大將。中納言源光爲權大納言。定爲三員。是歲。尊皇太夫人爲皇太后。秋七月。皇太子加元服。時年十三。帝好佛乘。遂禪位。自著書。歷舉古今國家得失。臣士賢否。誠新主。其略曰。明賞罰。勿用愛憎。慎喜怒。勿形諸色。勿聽婦言。勿近小人。詢治於有識。求道於六經。左大將藤原朝臣功臣之後。雖少。諸

政事初頗聞內行不謹。屢加激厲。可資輔導。右大將菅原道真當今鴻儒。深通政理。直言不忌。朕立儲貳。獨與之議定。且將讓位。未果。朝臣曰。事留變生。遂使朕意如金石。則不唯朕之忠臣。乃新君之功臣。其敬重之。季長達典故。長谷雄涉經典。並宜進用。上尊號曰後太上天皇。以別於陽成上皇。徙東三條院。尋遷朱雀院。

醍醐天皇

諱敦仁。字多長子。母贈皇太后藤原氏內大臣高藤女。在位三十四年。改元三。曰昌泰。延喜。延長。傳位皇太子。崩。壽四十六。葬宇治郡山階陵。

天皇即位。于大極殿。大納言兼左大將時平。權大納言兼右大將道真。以先帝命。輔帝參決機務。昌泰元年。戊冬十一月朔日。南至。群臣表賀。大赦。帝讀群書治要。紀長谷雄侍讀。二年。己未。春二月。以時平為左大臣。道真為右大臣。兼左右大將。並如故。道真自以家本儒林。而居台司。衆望不厭。三上表固辭。不聽。時年五十五。時平二十八。冬十月。後太上天皇削髮法名空理。稱法皇。

三年_{庚申}春正月帝觀法皇於朱雀院相議左右大臣並執朝政無所統一乃召道真密諭使關白庶政如藤原基經故事道真固辭不受且奏召臣無事人必恠之因命題賦詩以獻賜御衣而罷以
大納言藤原高藤爲內大臣無何薨高藤冬嗣孫良門子冬十月文章博士三善清行上革命議以爲明年辛酉當帝王革命君臣剋賊之運宜深用意清行上書右大臣道真勸其退避道真不從
延喜元年_{辛酉}春正月朔日有食之貶右大臣菅原

道真爲太宰權帥以大納言源光爲右大臣中納言藤原定國兼右大將定國高藤子初道真已受殊遇以格君致治爲己任知無不言綜理政務裁決如流天下想聞風采左大臣時平年少氣銳固執不相下道真不欲每事立異常竊嘆之時平及聞關白密旨益不懌光爲帝舅與定國皆以門地高愧位道真下式部少輔藤原骨根道真所薦嘗忤意被怒啣之時平因與三人相結譖道真於帝誣其欲廢帝立齊世親王親王道真女婿也帝震

日本政記 卷之四
怒下敕貶謫道真憂悶無以自白作和歌哀訴法
皇法皇驚欲見帝申救菅根戒門者不通道真男
女廿三人流徙各異處天下寃之時平又欲禁錮
放逐諸及菅門者三善清行諫而止之

菅原相公之貶世專咎藤原時平稱讒臣必以
爲稱首賴襄以爲不然曰自外戚專政類此者
多矣不獨時平也前焉如良房之斥安倍安仁
基經之不用藤原保則後焉如師尹之除源高
明兼通之忌中書王皆是也其意曰台司獨我

家爲彼何爲者如源常與信光以其易制故得
伴食耳其與已相軋者輒搏擊而去之豈獨時
平哉貶菅公非必時平所致也然則誰所致曰
宇多致之也宇多非患相門之如彼故擢公使
與之衡亦丁寧醍醐專聽於公者也哉曰是所
以禍公也夫如彼者非一日也中外慣習以爲
當然擢之寒族使與之衡而能徇焉無敢異議
何哉擊識之者在焉爾故宇多在位則儼然右
大臣人望而畏之一去位則文章博士安據政

府也。雖無時平。不可久安者。勢也。且大家宰之
寵於父者。其子必憎之。憎其倚父。寵以制我也。
以爲我自有所用。何必是。且己所用。與己年齒
相若。志趣相投。而父所用皆否。民庶之家。且然。
况人主有天下者乎。人主之所樂者。此位也。故
其所忌。莫甚於兄弟之逼於己。中其所忌。以使
恣其所樂。宜乎其言易入也。况出於己所用。常
所愛信者之口乎。故延喜之貶。管公不必待時
平之數言也。其情素然也。情與勢者。人下之所

不能違也。而宇多欲以一紙遺誡禁之。其不可
也。必矣。故致管公之貶者。非宇多而誰乎。而公
亦可謂不自慮者矣。吾嘗審遺誡所言。立儲禪
位之議。管公實贊決之。曰。事留變生。蓋是時基
經之女。未有所生。生則不可不立也。公豈慮於
此耶。然己定儲矣。雖不禪位。可也。其意蓋謂雖
禪位。猶當傍觀扶植之。不知權己不在我。我言
寧可行耶。宇多崩於承和元年。去禪位三十四
專修佛法。噫。以此三十四年間。讀經研法之勤。

日本政記 卷之四
移之於政。政當受何如哉。而公亦終其輔翊之功。何貶謫憂歿之有哉。襄故曰。管公之貶。宇多致之也。而公亦有以自取之。

秋八月。左大臣時平。大外記大藏善行。上三代實錄。實錄道真所定居多。以其貶不得列名。善行年七十。時平會一時名士。開宴稱壽。執弟子禮。時人榮之。

三年。癸亥春二月。前右大臣兼右大將太宰權帥菅原道真薨。道真博學敏文詞。為宇多帝所識。拔終大用。及在配所。閉門不出。以文墨自遣。至是薨。年五十九。

四年。甲子春二月。立皇子崇象親王為皇太子。後改

名保明。母藤原氏。右大臣源光為傳。二月。法皇造室仁和寺。稱御室。

五年。大內記紀友則。御書所預紀貫之等。撰古今和歌集成。上之。初平城朝。有萬葉集。及嵯峨好唐詩。和歌幾廢。帝有志興廢。敕撰之。

六年。夏五月。帝受史記於式部大輔藤原菅根。

秋七月。右大將定國薨。八月。以右大臣源光兼右大將。

八年。冬。先是。敕時平及大藏善行。撰延喜格。至

是成。上。敕頒行之。

九年。夏四月。左大臣藤原時平薨。時平多權數。

帝患朝臣奢華。禁之。不止。時平密奏。故自着美服。

入朝。帝佯怒。召職事曰。左大臣當躬儉約。以率百

僚。乃首犯朕禁。時平為惶懼者。屏隨身。步歸第。閉

門謝客。月餘。時人相戒從儉。源光轉左大將。中

納言平惟範兼右大將。惟範。葛原親王孫。季長弟。

秋九月。惟範薨。以權中納言藤原忠平兼右大

將。忠平。時平之弟。雅善管原道真。及其謫數問遺。

之不以兄故變時人多之。

十一年

壬申

夏疫京師火

是歲中納言紀長谷雄

薨長谷雄文才敏贍詔敕多出其手嘗與三善清行論文不合清行罵曰自古無有無才博士有之始於汝長谷雄不與校其慎如此時諸學士多以議論相凌任誕矜傲者菅原道真嘗寄詩長谷雄勸以敦厚化俗及道真及島田忠臣等相尋逝長谷雄歎曰延喜以後無復知我者

十三年

癸酉

春三月右大臣源光薨光有膽識不惑

妖妄說然以陷菅原道真爲時議所貶夏四月以藤原忠平兼左大將中納言藤原道明兼右大將

十四年甲戌春二月帝方勵精求治以連年水旱不登詔求直言式部大輔兼大學頭三善清行上意見封事其略曰國朝天險土沃民庶臣服三韓所以能然者國俗敦龐民風忠孝輕賦歛踈微發上垂仁牧下下盡誠戴上一國之政猶一身之治自後化漸薄法滋彰歛增役倍戶口月減田畝日荒

既而佛法初傳。上下競傾產造寺。捨田施丁。極於
天平國分二寺。各用其國正稅。而天下之費十之
五。桓武營宮城。盡賦庸調。又費五之三。仁明好奢。
後房之飾。竭帑倍賦。又費二之一。貞觀中。宮殿頻
災。復修。又費一之半矣。則當今曾非古之十一也。
臣嘗爲備中介。試閱其一鄉。皇極晚年。有二萬兵
士。神護中有二千丁者。貞觀初。七十餘人。及臣時。
得九人。今聞其無一人。二百五十年來。衰弊如此。
以此推之。天下虛耗可知。陛下照萬古興衰。宵衣

旰食。降惠民庶。興復寧無可期。謹陳僂宜十二事。
其一。請肅祭祀。祈豐穰。不徒備故事而已。其二。請
禁奢侈。貞元間。親王公卿。以筑紫絹爲夏衫。今史
生以白縑爲之。婦女婢妾。非紈綾不服。富者誇逞
志。貧者耻不及。一衣破產。一饌盡資。田疇爲蕪。盜
賊爲滋。望隨階定制。至於葵喪亦然。糺其僭忒。自
上率下。源澄而流清矣。其三。請修口分田。此制爲
收租庸調。而今已奸田闕貢。牧宰懷無用之籍。豪
富收并兼之利。須令闕實班給。其遺田收爲公田。

任國司法或納地子以充無身之調租猶有遺稻納之不動今略計其數三倍調庸爲公有利爲民無損其四請復大學學田治國在賢得賢在學今至以大學爲坎墮之府凍餒之鄉望復學田又嚴敕博士公貢舉法專論材藝不得受請託其五請減五節選妓員無襲前朝好內之例其六請增置判事舊制判事六員今獨大判事用明法者以萬民死生繫一人脣吻括五刑輕重決獨見讞書乖閱實之理望依舊皆擇明法律者使俱議科比詳

定條章復六員其七請均給百官四季祿比年官庫之物唯公卿及出納諸司充給其餘五六年難給一季料雖閑忙殊務至於頒賜宜無差別其人請停諸國吏民越訴以牧宰之重與小吏賤民比肩受鞠雖事得白威權已廢知耻之士誰冀爲吏望盡拘以文法除反逆外不發朝使其九請定勘籍人數三官以下諸王大夫命婦資人諸司衛府式兵二省籍人一歲稍及三千人國朝課丁課與羽太宰九國外不滿三十萬而大半無有身則見

日本政言 卷之七
丁十餘萬人而已。其中歲除三千人。未盈四十年。天下皆爲不課之民。望年立定額。大國十人。以次差之。以載蠲符。其十。請選任檢非違使。督使檢非違使。本掌糺境內奸濫。今其民納贖勞料者爲之。望監試明法學生充任。今與羽鎮西及沿海諸國。督師皆充年給。許令斥賣。唯論價直。不問才伎。望令六衛練習。隨功勞任之。其十一。請禁僧徒濫惡。及宿衛強暴。嚮官符禁權。貴規銅山澤。侵奪田地。吏易施治。民居得安。猶遺是等。今諸寺僧得度年。

二三百人。大半邪濫。及逃課逋租者。天下之民。禿首者居三之一。皆畜妻啖腥。甚者爲盜竊鑄錢。望痛禁懲之。奪度牒。返本役。六衛舍人須結番警備。而散落諸國。此皆部內強豪。遭國司糺勘。奔入洛。納貨籍宿衛者。望旣充補。不得歸住。寧歸者。限暇日。取府牒送國衙。過限者解職。送狀本府。其十二。請修魚住泊。西南三道舟程。自檉生至河尻五泊。各一日行。今此泊廢。自韓泊直指輪田。蕩覆年百艘。望差官司修造。以播備稅。給其費。其餘嚮旣所。

獻言。不愛重陳。帝嘉納焉。是歲。禁奢靡。非

賴襄曰。三善清行。以實用之才。為實用之學。雖
菅原相公。恐有所不及。其封事者所言。雖有不
敢盡者。而切中時弊。可用當世。與彼為無用之
文詞者。大異。然其為書。母慮五千餘言。吾恐讀
者徒誦。不得其要領也。私芟繁除複。約為千餘
言。而又究其意所歸宿。論之曰。清行之意。不過
張紀綱。修版籍。以復物力而已矣。夫物力者。國
之所以存也。而其所以盛衰息耗者。在於紀綱版

籍。二者故祖宗定制。必於此致意焉。使後世子
孫。賴以守其國。無此不可一日守也。然守之久。
二者歲弛月廢。名存實亡。其終至於守空器。而
天下之實移焉。是和漢之所同。而國朝為著焉。
清行生於其漸弛廢之時。欲有以救濟之。當時
君相。非不嘉納之也。而不能盡用。及至其後。弛
者倍弛。廢者滋廢。獨後三條有志於興復之。而
短祚不能有成。委靡壞墮。以至保元而窮矣。由
二者之不修不張也。豈非百世之永鑑哉。本朝

富庶過絕外國。誠如清行所言。而當時工日耗。減如此。其後未知又如何也。而至輓近則息矣。然當時有可班之田。而近世則否。是古今所異耳。至彼不可不修。而張之者則一也。故清行之言。不特可用當時也。天下之事。固有衆人不憂。而有識之士。獨憂之者。上共其憂。則其憂可止。上不共其憂。而使之獨憂焉。憂將日深耳。烏見其止也。清行此時已七十矣。而位不過四位。官不遇儒門常格。既而纔得參議。未幾而沒。嗚呼。

此人也。而不知用。則所謂延喜之政。亦非空名無實者耶。向使寬平不早去位。與管公並用焉。以盡其才。則可以收興復之實效矣。吾不獨爲此人惜。爲王家惜也。自古有人才之用。舍關國家之運者。豈獨清行哉。

日本正言 卷之七 三十一 賴氏正本

夏五月東京火延燒六百餘家救賑給遭火者
秋八月以大納言忠平為右大臣兼左大將如故
十五年乙未冬太赦天下免延喜十年以前七道調
庸減今年徭半
十六年丙子夏四品貞純親王薨親王清和第六子
也從妻父源能有學武事子孫賜姓源朝臣世為
將帥者本於此
十七年丁丑旱自九月不雨至十二月京城井涸敕
許民汲冷泉院及神泉苑池水數日皆竭

夏五月東京火延燒六百餘家救賑給遭火者
秋八月以大納言忠平為右大臣兼左大將如故
十五年乙未冬太赦天下免延喜十年以前七道調
庸減今年徭半
十六年丙子夏四品貞純親王薨親王清和第六子
也從妻父源能有學武事子孫賜姓源朝臣世為
將帥者本於此
十七年丁丑旱自九月不雨至十二月京城井涸敕
許民汲冷泉院及神泉苑池水數日皆竭

日本文記 卷之七 三十一 賴氏正本

十八年戊寅冬十二月從四位下參議三善清行卒。

年七十二。

延長元年癸未春三月皇太子保明薨追復故右大

臣菅原道真官爵贈正二位謫道真以來歲比不

稔京師屢災又多旱疫太子暴薨世以為道真祟

故有此命。夏四月立女御藤原氏為中宮皇孫

慶賴王為皇太子中宮故攝政基經女故太子母

王太子子也。

二年甲申春正月以右大臣忠平為左大臣大納言

兼右大將藤原定方為右大臣

三年乙酉夏皇太子慶賴薨冬立皇子寬明為皇太

子故太子保明同母弟以左大臣忠平為傅其舅

也。

四年丙戌定諸國上損戶法

五年丁亥冬延喜式成。

六年戊子夏使少內記小野道風書歷代賢君名臣

言行於清涼殿南廂粉壁道風篁孫葛絃子也。

七年己卯秋七月大風雨鴨川決敕發正稅賑山城

被水者甚者免今年調庸。

八年庚寅春。敕左右京移養飢疫貧民於施藥悲田

兩院。夏四月。渤海國使裴璆等來。先是契丹主

阿保機攻滅渤海。改號東丹。命其子突欲鎮之。璆

等降附。至是自稱東丹國使。敕曰。東丹失禮義。使

者無人臣之節。謬奉臣下使以入上國。宜詰責以

懲將來。因卻還之。前此渤海數通使。此後遂絕。

六月。雷震清凉殿。大納言藤原清貫在中辨平希

世等震死。帝不豫。秋九月。帝病篤。禪位皇太子。

詔左大臣忠平輔之上尊號太上天皇。是月崩。遺

詔薄葬。不奉謚。帝致心政治。每群臣奏對。必和辭

色。曰。人主形威嚴。何以得臣下盡言哉。又嘗方寒

夜。親脫御衣。以體凍餒之苦。世以比仁德帝。後世

言治。必稱延喜云。冬十月。葬醍醐天皇。

朱雀天皇

諱寬明。醍醐第十子。母中宮藤原氏攝政基經第四女。在位十七

年。改元二。曰承平。天慶。後六年崩。壽三十。火葬。藏骨於後山階陵側。

冬十月。天皇卽位于大極殿。左大臣忠平攝政。十

二月。右大將定方轉左大將。大納言藤原仲平兼

右大將仲平忠平兄也。帝生於舅忠平第。至是甫八歲。生薄弱。常在深室。少見大日。世以為菅氏崇承平元年。卯春。以京師多盜。命衛府檢非違使。每夜巡捕。秋七月。法皇崩。宇年六十五。法皇深於佛理。所謂廣澤小野二派。皆推法皇為宗祖。屢微行。尋畿甸名山。遺詔以席裹棺。約以葛火葬。勿起山陵。奉謚號。天皇無謚。始于此。八月。葬。宇多天皇。

二年。壬辰秋八月。右大臣定方薨。仲平轉左大將。尋

為右大臣。大納言藤原保忠兼右大將。保忠時平長子也。

三年。癸巳冬。南海道賊起。遣警固使諸國。奉幣諸社。

後又修大元法於豐樂院。及治部省。以祈賊平。

六年。丙申夏六月。以從四位下紀淑人為伊豫守。追

捕海賊。淑人務招流亡。賑困窮。威惠並行。降渠帥

三十餘人。衆二千五百。分給廢田及衣食。悉就農

耕。海氛盡清。淑人長谷雄子也。秋七月。右大將

保忠薨。八月。以大納言藤原恒佐兼右大將。左

大臣忠平為太政大臣。聽牛車出入關門。
 七年。丁酉春正月。帝加元服。受朝賀。仲平為左大臣。
 左大將如故。右大將恒佐為右大臣。
 天慶元年。戊辰夏。恒佐薨。以中納言藤原實賴兼右
 大將。是歲地數震。冬大雪深丈。
 二年。己巳秋八月。盜射殺尾張守共理。冬十一月。
 下總賊起。攻常陸介藤原維畿。下野守藤原弘雅
 上野介藤原尚範皆敗之。初上總介高望葛原親
 王孫也。賜姓平。子良將為鎮守府將軍。良將子曰

將門。勇悍善射。少仕攝政忠平。求為檢非違使。忠
 平不省。將門走赴下總。聚徒為盜。攻伯父常陸大
 掾國香殺之。與叔父下總介良兼數攻鬪。朝廷將
 討之。將門先馳詣闕。疏辨得釋。及良兼卒。乃據下
 總。襲執維畿。武藏權守興世王為謀。王圖遂割居
 關東。攻降弘雅。逐尚範。自僭號平新皇。開府猿島。
 偽置百官。諸國亡賴徒爭殺官吏應之。初將門與
 藤原純友者親密。嘗謂之曰。吾王族當為天子。藤
 氏當為關白。於是純友為伊豫掾。任滿不還。據海

島遙應將門。攻殺備前介藤原子高。京師戒嚴。閉三關。

三年。

庚子

春正月。敕進天下各神位一階。下官符東

海東山二道。募勇敢士。能殺賊帥者。賜朱紫田地。世襲。次將以下。隨功賞之。二月。以參議藤原忠文爲征東大將軍。賜節刀。討下總賊。以小野好古爲山陽道追捕使。討伊豫賊。三月。常陸椽平貞盛與下野押領使藤原秀鄉等。擊下總賊。平之。五月。征東大將軍忠文等。途還。叙貞盛秀鄉並從四

位。下賜功田。貞盛國香子。有武幹。欲報父仇。攻將門不克。來訴朝廷。朝廷授此官。乃與秀鄉。收兵四千。襲殺將門。忠文素各勤。及受命。不歸家。直發至駿河。聞事平。乃還。朝議欲與褒格。實賴以其無功。不可。藤原師輔曰。是不爲無勞。何可獨遺。實賴固執不可。秋八月。讚岐介藤原國風討伊豫賊。大破之。賊走太宰府。

四年。辛丑春。追捕使小野好古。追擊悉平之。先是。國風招降賊將藤原恒利。以爲鄉導。衝賊巢窟。純友

敗走太宰府。燒周防鑄錢司。又侵土佐。好古與太宰少貳源經基。主典大藏春實等。水陸合攻。戰於博多津。春實為先鋒。戰尤力。賊敗入海。好古急追殺溺。略盡。純友亡。還伊豫。警固使橘遠保逆擊斬之。

國朝定制以來。稱勳兵革者。止於邊寇。未有臣子內叛者。有之。始於天慶。論者歸罪於朱雀之君相。賴襄曰。是徒見其末。未探其本也。天慶之亂。釀於延喜之朝。何以言之。曰。天下之亂。猶魚

之爛也。魚之爛也。其腸先敗。視其鱗鬣。猶仍鮮美也。以為鮮美。而皮置之翌日。而出之。潰餒臭腐。不可食矣。觀延喜之朝廷。其禮文制度。豈不備且美哉。時稱太平。數舉宴樂。召集文士。歌頌鬱起。而水旱疾疫。民不聊生。盜賊充斥。閭里雖有經理之政。徒行於近。不周於遠也。世徒稱其寒夜脫御衣之一事。是所謂有仁心仁聞。而澤不及民者也。且自貶菅原相公。而藤原氏之勢倍盛。其立國儲舍長子克明。而立保明。以其為

基經外孫時平外姪焉爾猶之可也及保明天
更立其子其子亦殤而立其同母弟帝多皇子
當是時言其長則有代明言其賢則有重明有
兼明皆舍不立而必立相家所出何也非憚之
哉是所謂仁而不武無能達也時平既沒又以
其弟忠平執政託以八歲天子以臨制如彼之
天下如之何其不亂也余嘗於外史詳叙此亂
而論之曰是由相家驕傲壅隔上下之所致蓋
君相所務不過目前之私天下之紀綱廢壞也

人才壅滯也姦雄窺伺也皆漫不省恤及其潰
決所謂雖有善者無如之何者何況朱雀之公
卿乎徒呼號神明以求救濟不足恠也朱雀之
時右大將保忠每冬月入朝冬餅懷之以自煖
稍冷賜之從者世稱其慈惠呼爲賢人大將右
大臣實賴聚群兒啖菓隔牆聽其語以知世情
世稱其用心於政當時大臣之所爲徒如此類
而已微祖宗德澤此焉能濟禍亂而何足責哉

日本正言 卷之七 三十一 東照

冬太政大臣忠平改攝政為關白。如基經故事。帝自寫法華經。追修兵死者福。後亦詔諸寺造一萬率都婆。是歲納忠平孫女為女御。大納言實賴女也。

六年癸卯夏旱疫。七年甲辰夏以大納言藤原實賴為右大臣。立皇弟成明親王為皇太弟。以帝無子也。是歲秋大風雨。八年乙巳秋大風雨。左大臣兼左大將仲平薨。嘗有星變。占咎在大將。右大將實賴禳之。仲平不禳曰。

星變占咎在大將。右大將實賴禳之。仲平不禳曰。

日本正言 卷之七 三十一 東照

實賴年少才高吾已老耄。死亦何損於國。性好殖貨。倉庫多於宅地。稱枇杷大臣。十一月實賴轉

左大將。大納言師輔兼右大將。

九年丙午帝禪位皇太弟。遷朱雀院。帝性柔仁。關白

忠平嘗奏外議以爲時政遇寬。帝曰。朕聞之先帝。

君家先關白有言。政如張琴。大絃急則小絃絕。朕

若嚴急。下民何堪。

村上天皇

諱成明。朱雀同母弟。在位二十二年。改元四。曰天曆。天德。應和。康保。

葛野郡村上山陵

夏四月。天皇卽位。于大極殿。尊先帝爲太上天皇。

太政大臣忠平。右大臣兼左大將實賴。大納言兼

右大將師輔。並如故。帝年二十一。忠平關白庶政。

實賴師輔。其二子也。

天曆元年丁未夏。實賴爲左大臣。師輔爲右大臣。是

歲祀前。右大臣道真于右近馬場。參議兼民部卿

藤原忠文率忠文嘗爲近衛司。每宿直。繫察馬於

側。聞其嚙芻聲。警眠。帝欲聽其昇殿。固辭而止。

二年戊申夏旱。秋大風雨。

三年^{己酉}春關白忠平以疾請致仕優詔不許敕賜
 度三十人敕十六寺禱之大赦秋薨敕廢朝三日
 贈正一位封信濃公謚貞信忠平與兄時平仲平
 並執大政世稱三平 前太上天皇崩冬十月葬
 陽成天皇

四年^{庚戌}秋七月立憲平親王為皇太子母藤原氏
 左大臣實賴為傅先是大納言藤原元方女為夏
 衣生皇子廣平元方喜謂必為國儲而右大臣師
 輔女為女御生憲平生三月立為太子元方失望

遂以憂卒後冷泉華山三條三帝皆短祚世謂元
 方為祟也

六年^{壬子}秋八月太上天皇崩遺詔薄葬勿置陵稱
 朱雀院天皇稱院始此 葬朱雀天皇

八年^{甲寅}春太皇太后藤原氏崩 秋九月式部卿

重明親王薨親王醍醐子好學醍醐崩臣子喪服
 皆期而除獨重明行三年喪所著有吏部王記

右少辨菅原文時上封事請停賣官曰方今授任
 非不正而有以財官人助國用者功勞之臣自退

聚斂之徒爭進。昔漢明帝不許公主爲子求郎。而賜錢十萬。以官非其人。則害及百姓也。降及桓靈。乃初賣官。漢業以衰。是可鑑也。又請禁奢侈。懷遠人。帝皆嘉納。

九年

乙卯

罷師輔右大將。以大納言藤原顯忠代之。

十年

甲辰

秋旱。詔減服御常膳。禁左右馬寮秣穀。量

停諸作役。省冤獄。令諸國灌溉。先貧後富。賑恤窮民。除畿內七道。天曆五年。以往調庸未進者。免東海東山山陽三道驛戶田租。限三年。先是。群臣奏

請減俸祿。不許。至此。敕減十分之一。

天德元年。春。罷實賴左大將。夏。以顯忠代之。中

納言師尹兼右大將。顯忠時平子。師尹。忠平子也。

冬。以連年穀貴。運近國不動穀於穀倉院。置常平所。

二年

戊午

十月。立女御藤原氏爲中宮。皇太子母也。

是歲。鎮守府將軍源經基卒。經基。貞純親王子。賜姓源。子滿仲。又襲父官。

四年

庚申

春三月。御清涼殿爲歌合會。歌合始此。

夏右大臣師輔薨。師輔能容衆。雖久闕問者。至則待之如初。是以父時賓僚多來歸焉。秋八月。以大納言顯忠為右大臣。九月。禁中火。歷代重器。文書多亡。帝避於太政官朝所。深自警懼。各大臣實賴曰。其助補不逮。乃索得神鏡。燼中。內侍以袖受之。以出。遂稱鏡曰。內侍所。冬。帝徙御冷泉院。教課畿內南海。及東至美濃。西至長門。十六國修官期。以明年。令大納言藤原在衡董役。應和元年辛酉夏五月。詔免造官。諸國今年半租。十

一月官成還御。

三年癸亥冬。大納言源高明奏請。獎學院諸生。準勸學院例。給年官。任諸國掾。

康保元年甲子夏。中宮藤原氏崩。納其妹為尚侍。中宮右大臣師輔女。有婦德。帝屢問政事。所言多聽。又藤原師尹女。為女御。以明慧得寵。遂踈后。后崩。帝乃念之。后妹登子。為帝兄重明親王室。出入宮中。帝悅之。通焉。及重明薨。欲納之。而憚后。后崩。踈月。乃納為尚侍。絕寵之。至晝不出寢。欲立為中宮。

以前有子乃止。左大臣實賴竊惜其累德而不能匡止也。

二年^丑夏。左大臣顯忠薨年六十八。時平子也。顯

忠性節儉。出無前驅。諸兄弟皆壯歲歿。世為菅氏

崇。顯忠每夜出庭拜訴。五月。以大納言源高明

兼左大將。醍醐第十七子。冬十月。行幸朱雀院。

觀左右馬寮騎名文臣四十人獻詩。親試之。

三年^{丙寅}春。正月。以源高明為右大臣。三月。御射

場。試親王公卿以下射。秋大水。賑兩京民被災

者甚者免調徭。

四年^{丁卯}夏五月。天皇崩。遺詔薄葬。勿置陵。帝寬恕。

恩無偏私。嘗問近臣外間以朝政為何如。對曰。稱

其寬。帝喜曰。朕志也。又嘗召一老吏。問曰。朕治孰

與延喜。老吏懼不敢對。帝頻問之。吏乃曰。賤臣何

有所見。唯覺主殿寮多進松明。率分堂前生草。與

前代少異耳。蓋寮政務所會堂。割大藏省十分一

別納。謂政事煩劇。歲貢無餘也。帝聞之。有愧色。自

是益加意政治。論者謂其亞醍醐。稱延喜天曆云。

帝好文學。多才藻。而愛文士。上素寵任大納言源延光。適有踈待色。延光懼不朝。俄召見。曰。學生藤原雅材者。甚有文才。卿盍薦之。延光頓首謝。乃奏。士七年。未有所兼。上疏自訴貧困。帝不憚。然愛其詞。卽日下敕。兼民部大輔。直幹。疏小野道風所書。上以其詞書兩絕。甚賞玩之。後禁內火。先問曰。直幹。疏無恙。其愛才如此。六月。葬村上天皇。

賴襄曰。世之言王政。必稱延喜天曆。以其典章

文物爛然具備而已。察其實多不稱者。譬若人之風。丰矜麗而心腹蓄疾。是良醫之所畏。故識者於二代無取焉。而謂天曆不及延喜者。非也。然當時已謂然矣。觀村上與老吏問答可見焉。襄獨以天曆爲勝。延喜何以知其勝。卽此一事。以知其勝也。夫以萬乘之尊。問政事得失於一賤吏。非其留心於政。孜孜不倦。何能如此。至聽其言。以自知不足。益勤於政。則人主之所絕無。而厘有足。以爲百世之法矣。延喜恐未能及此。

何則其先皇之遺誠而不肯聽也。則其他可知矣。和顏接下導之使言可矣。因災異求直言可矣。而未聞其聳懼聽納其言而省於己如此也。蓋老吏言所謂主殿寮多進松明者言劇務至夜未已也。其清其本源使不至煩劇上也。其次雖至煩劇勤而不倦也。倦而不勤斯爲下矣。所謂率分堂生草者言歲貢無餘也。夫量入以爲出國計常有餘者上也。其次出者與入者相當也。量出以爲入而猶不足者斯爲下矣。醍醐繼

列朝太平之業而村上承天慶大亂之後國用之羸縮宜相懸絕也。而其賑恤之政視之延喜無或不及。非勤政之効何以至此。以此言之。雖曰天曆勝延喜可也。其授政權於外戚則延喜之遺毒不可解免耳。雖然兼明高明於帝爲親兄弟。藤原在衡於戚黨爲疎屬。而皆引當要路。使與諸權威相鈐制。視之延喜之忌弟。逐父所簡遺大臣而獨任二后兄者孰與耶。或曰高明亦以中官妹夫爾。然則謂兼明在衡何乎。至若

夫好內寵。惟薄不修。所謂累德之大者。雖然。未
至如唐明皇奪子之妻。勤政不終。終速大亂。要
之。當時風習。多如此者。不可專尤於帝也。

冷泉天皇

諱憲。村上一子。母十宮藤原氏。右大臣師輔女。在位二年。改元

一曰安和。讓位皇太弟。後四十四年崩。壽六十一。葬櫻本乾原。

冬十月。天皇卽位于紫宸殿。帝有疾。未愈。不能御
大極殿。時年十八。十二月。左大臣實賴爲太政大
臣。關白庶政。聽節會日不就班。直上殿立皇弟守
平親王爲皇太弟。右大臣高明爲左大臣。大納言
師尹爲右大臣。兼皇太子傅。

安和二年。己春三月。貶右大臣源高明爲大宰權
帥。藤原師尹爲左大臣。兼左大將。大納言藤原在

衡爲右大臣。大納言藤原伊尹兼右大將。初村上中官生帝及爲平守平二親王。殊愛爲平。中宮妹適高明。高明又進其女爲平妃。既而中宮與其父師輔皆逝。爲平失勢。村上以帝有心疾。欲立爲平爲其儲貳。諸藤原氏以其婚源氏沮之。及村上崩。關白實賴稱遺詔立守平。高明失望。右大臣師尹害高明常謀。因事除之。代其位。至是帝病不愈。中外謂當有禪位。左馬頭源滿仲與中務少輔橘繁延等密謀奉爲平走關東作亂。已而滿仲意中

悔。詣師尹誣告高明與繁延等謀廢立。上未之信。師尹急戒嚴諸門。遣兵圍高明第。矯詔舉諸繁延等皆坐流。京師騷擾。如天慶亂。爲平憂懼。欲削髮。帝慰喻止之。八月帝疾劇。讓位皇太弟。遷冷泉院。

賴襄曰。安和之變。可謂可疑矣。夫源高明進女於爲平親王。出村上之命。曰。謀擁立之以擅政者。臆逆之言耳。雖然。村上欲立爲平爲冷泉之儲貳。而以其與源氏婚。有沮之者。實也。及村上

崩遂矯遺詔立守平親王。蓋不厭中外之心。故曰高明失望。出怨言者。或輿誦所傳也。而亦未可必其實否也。舊史乃稱高明怨望。爲亂者所誣。告連及。然而所謂作亂者。何人哉。非省府下僚。則國介耳。典廐耳。忽謀奉親王。奔關東。爲平新皇之所爲。是最可疑者也。不然其意中變。走告者。就中稍有威望者也。饒令自首。宜少加斥黜。而無所問。卽雖稱爲逆首者。間歲輒召還。給封三百戶。無所防護。何哉。嗚呼。此與承和之變。

延喜之事。其情一也。三者獨延喜世全知其寃。而承和與安和以半爲實。以半爲寃。吾斷以爲全寃也。構此寃獄者。有主有從。延喜之源光。安和之藤原師尹。皆所謂從也。知延喜之爲王者。則知安和之爲王者。而承和之爲王者。亦可知矣。曰。雖然。主於承和者。未逞其志者也。主於安和者。則旣逞矣。而何苦組織構成之耶。曰。彼以其所據地爲私有。欲私相傳。恐它人奪之也。故其所組織獄詞。皆如自言己之肺肝也。

天祿元年春正月以藤原在衡為左大臣伊尹
 為右大臣以大納言源兼明為皇太子傳夏五
 月大納言伊尹轉左大將中納言賴忠兼右大將
 賴忠實賴子伊尹師輔子
 秋九月天皇即位于大極殿尊先帝為太上天皇
 太政大臣實賴攝政如忠平故事立皇姪師貞親
 王為皇太子左大臣師尹為傅冬左大臣師尹
 薨大納言伊尹轉左大將中納言賴忠兼右大將
 賴忠實賴子伊尹師輔子
 天祿元年庚午春正月以藤原在衡為左大臣伊尹
 為右大臣以大納言源兼明為皇太子傳夏五
 月大納言伊尹轉左大將中納言賴忠兼右大將
 賴忠實賴子伊尹師輔子
 秋九月天皇即位于大極殿尊先帝為太上天皇
 太政大臣實賴攝政如忠平故事立皇姪師貞親
 王為皇太子左大臣師尹為傅冬左大臣師尹
 薨大納言伊尹轉左大將中納言賴忠兼右大將
 賴忠實賴子伊尹師輔子

圓融天皇

諱守平冷泉同母弟在位十五年改元五日天祿天延貞元天元永

觀傳位皇太子後七年崩壽三十三茶毘藏骨村上陵側

秋九月天皇即位于大極殿尊先帝為太上天皇

太政大臣實賴攝政如忠平故事立皇姪師貞親

王為皇太子左大臣師尹為傅冬左大臣師尹

薨大納言伊尹轉左大將中納言賴忠兼右大將

賴忠實賴子伊尹師輔子

天祿元年庚午春正月以藤原在衡為左大臣伊尹

為右大臣以大納言源兼明為皇太子傳夏五

月大納言伊尹轉左大將中納言賴忠兼右大將

賴忠實賴子伊尹師輔子

秋九月天皇即位于大極殿尊先帝為太上天皇

太政大臣實賴攝政如忠平故事立皇姪師貞親

王為皇太子左大臣師尹為傅冬左大臣師尹

薨大納言伊尹轉左大將中納言賴忠兼右大將

賴忠實賴子伊尹師輔子

天祿元年庚午春正月以藤原在衡為左大臣伊尹

為右大臣以大納言源兼明為皇太子傳夏五

月大納言伊尹轉左大將中納言賴忠兼右大將

賴忠實賴子伊尹師輔子

月攝政實賴病疾。詔大赦天下。救之。遂薨。贈正一位封尾張公。謚清慎。實賴練達朝章。人稱其盡心政治。右大臣伊尹攝政。秋八月。以大納言源兼明為皇太子傅。賴忠轉左大將。大納言藤原兼家兼右大將。兼家師輔第三子。冬十月。左大臣在衡薨。系出左大臣魚名。在村上朝。以格勤至。大納言常探知帝所讀書。每入朝。車中看其書。遇廢問。占對明悉。以是得寵。源高明之貶。在衡聞之。歎息。家臣賀當代其位。在衡大怒逐之。

二年。辛冬十一月。以右大臣伊尹為太政大臣。大

納言源兼明為左大臣。大納言賴忠為右大臣。兼明高明兄。是歲名還高明。

三年。壬春正月。帝加元服。冬。伊尹疾。賜度者八

十人。罷攝政。太政大臣如故。遂薨。贈正一位。封參河公。謚謙德。以權中納言藤原兼通為內大臣。內

覽宣旨。兼通伊尹弟。兼家兄也。以兼家超己。顯達常缺望。屢廢朝參。上稍踈之。兼通意望攝關。恐兼家妨村上中宮其妹也。其在時。兼通嘗竊請其手

書曰攝關有闕。當兄弟相及。不宜躡等置之懷。冊及伊尹病篤。料其不起。乘間進請。上望見欲起入。兼通捉上裾復坐。乃奉其書。上見母后手跡。愴然乃超任之。

天延元年。

癸酉

秋立女御藤原氏為皇后。內大臣兼

通女。

二年。

甲戌

春兼通為太政大臣。關白諸政。尋賜牛車。

貞元元年。

丙子

夏五月。禁內火。課諸國造宮城。六月。

地大震。至九月不止。民多壓死。帝避出南庭。周幄。

為御坐。遂遷御關白兼通堀河第。

二年。

丁卯

夏四月。罷左大臣源兼明。以藤原賴忠為

左大臣。大納言源雅信為右大臣。賴忠兼通所善。

兼明其所惡也。

冬十月。兼通有病。以賴忠為關

白。罷兼家右大將。以中納言藤原濟時代之。初兼

通已專政。又逼請為關白。第宅僭擬官闕。有謗者。

中以危法。時人語曰。寧投虎口。勿觸攝政口。與兼

家益嫌隙。朝臣諳兼家者。以夜。又誣奏兼家女幸

冷泉上皇生子。因圖廢立。帝不信。兼家聞其疾劇。

日本政記 卷之七
曰。吾將為關白。遽入朝。兼通聞其喝道聲。以為問。已病拂席。疾過門不入。乃大怒。奮起力疾入朝。兼家望見避之。兼通意色殊惡。直前奏曰。臣今日行。最後除日。左大臣賴忠當代。臣為關白。兼家謀反。當解見任。左轉治部卿。奏可。兼通顧公卿曰。誰欲大將。皆相曰。未言。濟時趨進曰。臣可乎。乃奏代兼家。十一月前。關白兼通薨。敕廢朝三日。贈正一位。封遠江公。謚忠義。十二月。權大納言藤原朝光兼右大將。

天元二年。戊寅賴忠為太政大臣。關白如故。原雅信為左大臣。藤原兼家為右大臣。先是兼家作歌哀訴。帝慰答之。及兼通薨。賴忠奏請。因有是命。

二年。己卯夏。中官藤原氏薨。

三年。庚辰冬。禁內又火。詔減御膳。免諸國調庸。連負除徭半。

四年。辛巳春。免與修官役。諸國今年租半。

五年。壬午春。京諸國多盜賊。奪調庸。放火劫人。有盜露。及登弘徽殿。捕得之。夏六月。盜火式乾門。冬。

一月禁內又火。帝遷御堀河後院。是歲能登守源順卒。順嵯峨帝四代孫。有才學而沈滯。作無尾牛歌。述懷。上聞憐之。與此官。在任三年卒。著有和名抄。

永觀元年。癸未夏四月。改元大赦。以頻年多災變故也。

二年。甲申秋八月。帝讓位皇太弟。立皇子懷仁為新帝儲貳。初中宮崩。立女御遵子為中宮。關白賴忠女也。先是兼家女詮子亦為女御。有寵。上以賴忠

故不敢立。兼家恚已而詮子生懷仁。其弟上欲臨視。憚中宮不果。數名詮子。兼家留不遣。又自稱病。不朝。上欲慰之。令懷仁着袴禁內。詮子因入宮。三日復出。上又攜懷仁。出觀相撲節會。因強起兼家。入朝。親諭之以傳禪意。曰。卿不知朕意耳。兼家乃悅。九月。上帝尊號後上天皇。以別於冷泉上皇。

華山天皇 諱師貞。冷泉長子。母贈皇太后藤原氏攝政伊尹女。在位三年。改元

一曰寬和。遜位後二十二年崩。壽四十一。葬紙屋川上法音寺北。

冬十月。天皇卽位于大極殿。時年十七。太政大臣
賴忠關白。庶政。左大臣雅信兼太子傅。右大臣兼
家左大將朝光。右大將濟時。並如故。權中納言藤
原義懷。左中辨藤原惟成。參決機務。義懷。伊尹子。
機敏。諳朝章。雖以資望尙淺。未升台司。然以外舅。
故親任。惟成。右少辨雅材子。方正有幹略。與義懷
協心贊畫。文章博士兼彈正少弼大江匡衡爲侍
讀。帝勵精圖治。紀綱稍振。盜賊屏息。先是大宰府
多私帶兵仗者。聞上卽位。皆解散。詔求直言。曰朕

在東闈。一餘年卽位。口淺。相聞前事。欲圖後治。頃
水旱頻降。民困土水。浮食口多。少執節儉。倉廩已
竭。田畝自荒。夫國之將興。上下聚唇。其將廢。道路
以目。雖澆季之俗。疲極之民。忘身戮力。庶可扶濟。
人和而天和。民足而君足。所謂大臣重祿不諫。小
臣畏罪不言。下情不上通。此患之大者。宜令公卿
以下內外百官。五位以上。及秀才明經。及第者。各
上封事。匡朕不逮。卿等自慮中心。廣詢衆庶。莫遺
微賤。凡國之利害。政之得失。盡露其膽。莫得諱隱。

寬和元年。乙酉秋七月。女御祇子卒。大納言藤原爲光女也。

二年。丙戌夏六月。右大臣兼家使其子道兼奉帝出宮。削髮于華山元慶寺。權中納言義懷。左中辨惟成。並削髮從之。初上性輕佻。數易所幸。獨祇子不渝。有身例出宮就其家。上不忍離。強召同寢。終不分婉。卒。上哀毀迷亂。道兼爲藏人左小辨。雄桀多智。兼家授之計。勸上遜位歸佛。曰。臣亦奉從。上許諾。約期。義懷惟成知之。數諫慰。是月庚申夜。道兼

得問。使人先奉劍璽於東宮。已與僧嚴久潛奉。上出宮。上猶豫。道兼急促之。入寺。厥明。洛節。道兼將剝。佯請還家。訣父母乃去。不復來。天文博士安部晴明察乾象。有變急入朝奏之。不及。義懷與惟成聞之。馳至寺。相視失聲。愧輔翌無狀。並薙髮爲僧。持戒終身。法皇歷遊嘗苦。至病卧海濱。殆不起。後入京。居外祖母家。稍近婦女。

賴襄曰。上家之事。至冷泉圓融華山之際。吾不欲復論之也。夫以帝王之貴。宰輔之重。宗廟社

稷生民之所寄。而其廢立黜陟。一依閭閻之私。寧可復論其得失哉。至兼通兼家之事。可謂甚矣。兄弟爭權。至以天位博奕。是謂大亂之世。不待保元平治也。其躁競無耻。狡悍不息。千載之下。使讀者掩卷。是爲何等朝廷乎。雖然。原彼所以能然者。人君初使之然焉耳。己不慎其德。欲敗度。縱敗禮。以私滅公。使權下移。其勢終至此。可不哀哉。所賴者。祖宗之紀綱具在。有以一振之。雖潰敗之極。不患不可自立矣。史稱華山初

卽位。厲精圖治。盜賊屏息。太宰府去京師二百餘里。其私帶兵仗。不肯從法令者。聞卽位皆解散。其求言之詔。鑿然起哀救敵之急務。足以使天下革面洗心。雖或由惟成義懷之所教。而未必不出於其衷也。苟執此心。不撓實其言。而擴充之。雖有人姦劇賊。將斂其手。而何有於此。猥墮小黠之輩哉。奈何其以一婦人之故而舍天下之悅將歸己。而不顧甘爲人所騙。其視其始如兩人者。何哉。仲尼贊乾曰。大行健。君子以

白強不息。它日論剛曰。慾焉得剛。故人君欲制
權臣。當先自制其慾。不能制其慾。則失其剛。其
白強者息。彼將反制我。

日本政記卷之七

日本政記卷之八

賴襄子成 著

一條天皇

諱懷仁。圓融長子。母一條院藤原氏。右大臣兼家女也。在位二十五年。

年改元六曰永延。永祚。正曆。長德。長保。寬弘。禪位皇太子。崩。壽三十二。茶毘藏骨。圓融帝陵側。

秋七月。天皇即位于大極殿。時年七歲。右大臣兼家攝政。罷大政大臣賴忠。關白兼家辭。右大臣准三宮。位在三公上。大納言藤原為光為右大臣。為光兼家弟也。上先帝尊號太上天皇。弗受。立先帝

弟居貞親王爲皇太子。
永延元年丁亥秋九月中務卿兼明親王慶親王以
雄才博學聞圓融朝爲左大臣爲攝政兼通所忌
罷爲中務卿陽尊實奪其權乃營龜山莊作菟裘
賦以自遣及帝長好學召兼明于伊陟問其遺物
伊陟對曰唯有菟裘令獻之乃菟裘賦也有扶桑
豈無影乎浮雲掩而乍昏叢蘭豈不芳乎秋風吹
而先破句上嘆息自書其句藏巾箱帝崩後關白
道長入卧內覩而惡之手裂之云

二年戊子壽攝政兼家六十設宴其第兼家又營二
條京極第成大宴朝臣東宮人進源賴光贈馬三
十匹以頒賓客宴集之盛前此所未有

賴襄曰一條帝亦有志於治者也曰吾得人才
一事不讓延喜天曆然吾觀其所謂人才如四
納言世所盛稱雖練達朝章大抵容媚權門者
耳大江時棟慶滋保胤等以文學稱藤原佐理
行成等以筆札著而毫無補於國家然猶謂才
與地稱矣源雅信以善音律能轉喉爲新調聞

者傾聽。藤原朝光創意為透額冠。後人遵用。大臣大將之所為。如此而已。朝廷之政為權家所擅。使天子於邑鬱結而袖手傍觀。無敢一言匡救之。可謂之朝廷有人矣乎。攝政兼家之落二條京極第也。大宴朝臣。源賴光贈馬三十匹。以頒賓客。世傳以為宴集盛事。前此所無也。夫賴光時為東宮大進。其職小也。其祿薄也。而有馬三十匹。何哉。使當時公卿有虞天下國家者。可不加之意乎。蓋公卿大夫以恬熙為務。媮衣甘

食。漁色鬪歌而捕盜討賊之事。委之武臣。世官者曰是賤事耳。而不省地方兵馬之富。漸歸其手。他日平治建久之勢。隱然已胚胎於此。而舉朝莫能察。徒以資誇談焉。果無人故也。則其所謂才者。可知已。兼家子道長。更極專擅。家出三后。身為兩朝外祖。嘗咏歌其意曰。此世吾之世也。嗚呼。何知二百年後。代有此世者。要有其人哉。

此乃兼家也
我亦在と思ふ
望月一のけ
たはあとのけ
あきと思ふ

Blank columns with faint bleed-through text from the reverse side.

永祿元年己未春以權大納言藤原道隆為內大臣。夏罷朝光左大將以道隆兼之道隆兼家子也。

秋七月太政大臣賴忠薨贈正二位封駿河公諡庶義。八月京師大風宮門倒諸國海溢。冬以

僧餘慶為延曆寺坐主。衆徒服前坐主尋禪不受敕使破裂宣命。敕賜尋禪封百戶。不問衆徒罪。

十二月兼家為太政大臣攝政如故。尋罷攝政。為關白。

正曆元年庚寅春帝加元服。夏五月兼家有疾奏

讓關白取於長子道隆。尋爲攝政。先是兼家京極第多恠。乃捨爲寺。曰法興院。尋削髮稱法興院關白。相家稱院始此。救度一百人。大赦天下。祈病愈。奏辭職。左中辨藤原有國。右中辨平惟仲爲兼家信任。曰。是我左右眼也。將奏辭職。問二人。吾子誰可嗣職。有國善道兼。曰。公執柄三郎力也。惟仲曰。舍嫡則何。乃止。道隆道隆曰。吾至此。非德選。特以嫡長。然所喜得報。有國耳。卽職。卽尊有國父事官。六月罷攝政。道隆左大將。濟時轉左大將。權大

納言道兼兼右大將。秋七月。兼家薨。道兼以有功於父。缺望。在喪無戚容。會客游嬉。源賴光弟賴信仕道兼。欲刺道隆。曰。使吾主代之。賴光掩其口止之。冬。立道隆女定子爲中宮。時帝年十一。中宮十五。

二年。辛卯。春正月。法皇崩。圓葬圓融天皇。秋七

月。罷攝政道隆內大臣。九月。右大臣藤原爲光爲太政大臣。大納言源重信爲右大臣。權大納言道兼爲內大臣。皇太后削髮。號東三條院女院。

日本正言 卷之八 五 東山正本

始此。

三年。壬辰夏大水。太政大臣為光薨。贈正一位。封相。

摸公。謚恒德。稱鷹司相國。其女為華山女御。病卒。

為光哀戚。遂歸佛。創法住寺居焉。稱法住寺大臣。

四年。癸巳夏。道隆辭攝政為關白。秋。以右大臣重

信為左大臣。左大臣雅信辭職。尋薨。雅信守多帝

孫善俊歌及蹴鞠。又善音律。轉喉為新調。聞者傾

聽。

五年。甲午春。帝始視除日。秋。內大臣道兼為右大

臣。權大納言伊周為內大臣。伊周道隆次子。才貌

過人。父愛之。故超越先輩。年僅二十一。

長德元年。乙未夏。關白道隆薨。道隆在職多。汲進妻

黨。時論少之。性嗜飲。與藤原朝光。藤原濟時為酒

敵。臨終曰。吾不得與二子俱。則生天堂。亦不樂。已

而二人相繼薨。人以為奇。朝光兼通子。濟時師戶

子。並至大將。朝光美姿儀。嘗創意製透額冠。後人

遵用。朝光初娶重明親王女。生數子。聞大納言源

延光妻新寡。醜而饒貲。乃逐其室而娶之。初村上

日本政記 卷之八 六 賴氏正本

知人家見事
紅梅有白
國書相
以下正序

日本政記 卷之八
帝善箏。授之濟時。傳其女娥子。皇太子居聞慕之。遂納為妃。濟時悅。謂必賜輦車。詣關白兼家言。情兼家諾之。拜舞而出。然輦車竟不下。世呼為空拜大將。以右大臣道兼關白庶政。權大納言藤原道長兼左大將。五月。道兼薨。在職僅七日。世曰七日關白。敕道長內覽太政官文書。道長兼家季子豪爽。負氣嘗有相者視之。曰。是謂虎獨步深山。貴顯無比。是歲春。道隆病。奏令其子伊周攝省中事。帝以伊周中宮兄。固親寵之。及道隆薨。道兼

為關白。伊周失望。道兼薨。伊周自謂必得政上意。亦在焉。而東三條太后。道長姊也。欲其執政。上不聽。太后大恚。上不得已從之。是月左大臣源重信薨。六月。道長為右大臣。大納言藤原顯光兼右大將。是歲以藏人頭源俊賢為參議。以藤原行成為藏人頭。俊賢高明子。行成伊尹子。初藏人頭關白道隆難其人。問俊賢。俊賢曰。莫踰下官者。道隆奏舉之。至此上問俊賢。自舉可代者。以行成對。後皆為納言。時藤原齊信為光子。藤原公任賴忠

子與俊賢行成並為納言。明習朝典。世稱四納言。

二年。丙申夏。內大臣藤原伊周有罪。貶為太宰大貳。

中納言藤原隆家貶為出雲權守。先是。故太政大

臣為光二女。曰三君四君。孤居鷹司第。伊周私三

君。華山法皇挑四君。數往觀之。伊周意與三君通。

告之。其弟隆家。隆家率惡少。夜要法皇。放矢怖之。

誤中其衣。中外不敢言。已而東三條太后疾。或言

其由。伊周咒詛。乃有此命。先是中宮有身。出居伊

周第。伊周亦徘徊不往。上聞之。乃安置伊周于播

磨隆家于但馬。已而伊周私歸西京。遣檢非違使

押送太宰府。中宮生皇女。大赦。並見名還。秋。道

長轉左大臣。大納言顯光為右大臣。是歲大饑。米

價騰貴。

三年。丁酉秋。藤原公季為內大臣。

四年。戊戌以文章博士藤原為時為越前守。越前守

闕。為時與源國盛並冀望之。左大臣道長援國盛。

為時竊上書哀訴。上讀之。悽惻。至不御膳。道長乃

罷國盛與爲時。

長保元年。己亥夏禁內火。課諸國造宮。冬以左大臣道長女彰子爲女御。

二年。庚子春二月立爲中宮。稱上東門院。故中宮定

子改曰皇后。彰子生豐艷。髮長於身二尺許。道長殊愛之。欲其貴。及入內。裝奩玩工。究極工巧。居飛香舍。侍女數十人。皆妙選。一時才色。時彰子年十三。帝每戲曰。老翁可愧。先是皇后有身。出就其父。但馬守平生。冒家生皇子。敦康。時上未有了。大喜。

欲見之。憚道長不果。闕中宮歸寧。召入后。及敦康。旣而后又有身。生皇女。數日崩。后出寒微。恭謙有息。中外哀惜。后侍女有清少納言。中宮侍女有紫式部。和泉式部。並有才名。少納言。清原元輔女。和泉式部。大江雅致女。多淫行。紫式部。越前守藤原爲時女。嫁右衛門佐藤原宣行。生一女而寡。著文自娛。中宮好文詞。召爲師。道長悅其才色。欲私之。式部拒不從。

三年。辛丑秋。罷藤原道綱右大將。以權大納言藤原

實資兼右大將實資參議齊敏子為祖父實賴子
 養以強敏稱。冬十一月禁內火帝遷居一條院。
 東三條太后崩太后兼家女其兄弟相繼為關白。
 朝政多取決焉崩年四十是歲復藤原伊周官進
 從一位。

四年壬寅夏敕造宮制度務從儉朴明年冬宮成。

五年癸卯冬宮成還御。

寬弘元年甲辰冬罷太宰權帥平惟仲以宇佐祠官

訴之也。

二年乙巳春大藏省火盜殺大藏大輔平孝信。冬

禁內火神鏡太刀契焚帝遷東三條第尋遷一條

院遣使奉御筆宣命伊勢大厩是歲以藤原伊周

班大臣下納言上參預朝政。

三年丙午春造宮是歲大和守源賴親糺興福寺僧

不法僧徒二千餘人入京斬之左大臣道長慰諭

遣還。

五年戊申春以藤原伊周准大臣賜封千戶敘正二

位。二月法皇崩山華葬華山天皇。秋九月中

宮生皇子敦成于上東門第。帝臨幸飲宴。召道長家人授位有差。伊周謂敦康親王必爲太子。及敦成生。不懌。有流言其咒詛。道長究治黨與。停伊周朝參。既而得釋。

六年。己酉。秋七月。中務卿具平親王薨。具平。村上帝子。受業於慶滋保胤。有文名。而性恬退。世與兼明並稱。曰前後中書。嘗和御製詩。有忽戴君王還自耻。風聲猶減漢東平之句。冬十月。一條院火。從御左大臣道長枇杷第。於大藏大辨平。冬。

七年。庚戌。春。准大臣伊周薨。臨終。自以不遂志。嗚咽而逝。冬十月。一條院成。還御。

八年。辛亥。夏五月。天皇不豫。六月。讓位皇太子。居貞。

立皇子敦成爲新帝。儲貳。尋崩。初。帝意欲立長子敦康。而皇后旣崩。伊周亦薨。弟隆家資望猶淺。帝以其無援。又憚道長。密謀於中納言藤原行成。行成亦懼道長。勸立敦成。中宮養敦康。善視之。勸其父立之。曰。我子尚幼。事未晚也。道長不可。遂立敦成。帝崩。帝性慈仁。嘗效延喜帝。寒夜脫御衣。以體

日本政言 卷之六
民苦藤原齊信嘗欲有汲引。聞上語曰：「凡事須及淳素，不能請而止。」道長曰：「獻珍羞，聞之不敢復進。」帝在位最久，人才輩出，嘗言：「朕得人一事，庶不愧延喜天曆。」心疾道長專權，而力不能制也。秋七月，葬一條天皇。

史稱一條帝心惡藤原道長所爲而不能制也。蓋以藤原氏之累葉權戚，雖英明之君有不能奈何者矣。况帝乎？而欲以制道長難矣。曰：「然則是終不可奈何乎？」賴襄曰：「可。帝嘗從容謂侍臣

曰：「凡事須及淳素。」藤原齊信欲有所汲引，聞帝言不能請而止。道長獻珍羞，聞之不敢復進。嗚呼！是可爲之機也。人主據可爲之位，挾可爲之資，雖爲權門所鉗制，處無奈何之時，而非無可回復之機也。其機不在於彼而在於我。譬若沈痼廢疾，其來非一日，扼其要害而不可除，欲以攻擊克之，非共斃不可。姑舍之，扶其元氣以勝之。元氣昂則疾勢伏，其機然也。人主試原其始，思之，彼其所以能專其權以制我者，何哉？我始

借之權也。我家每娶其女也。彼以我之舅氏以
擅我政也。是藉我以為重者也。藉我以為重者。
亦藉我以為輕。故曰。其機在於我。苟止吾度。為
我所可為者。則彼將畏服而不敢蔑視我。曰是
亦如君也。君如君。則臣庶幾將如臣也。其初之
所以敢不如臣者。由於君不如君也。帝一言如
君。則足以讐服道長。其機如此。惜乎不知養此
機。以遂克之也。苟養此機。以遂克之。則收復朝
權。不必待後三條也。夫欲養此機。必當有以輔

之。如元氣之須參著。如藤原實資。乃帝之參著
也。舍此而不用。欲用后兄之伊周以制之。是欲
養癰疽以驅痰飲也。

立之。而禪道長。道長陽贊成之。及冊拜。朝臣恐補其宮職。忤道長旨。悉往中宮。上遣使召之。無應者。甚至罵辱。敕使投以瓦礫。上大恚。獨右大將實資曰。吾豈阿權臣而忽王事哉。乃與中納言隆家等數輩入朝。預嘉會。上因是竊倚賴實資。是歲侍從大江匡衡卒。匡衡左京大夫重光子。受業祖父維時。以文學著。然沈滯終身。子舉周。養子時棟。並繼其業。妻稱赤染衛門爲左大臣。道長妻侍女營著書。叙藤原氏盛事曰榮華物語。

二年。癸卯。冬十二月。上患日疾。使僧禱之。

三年。甲寅。禁內火。三月內藏掃部。察火累代寶器

多焚。夏四月。上徙御枇杷第。五月。定造宮諸

司課。諸國守督作。以明年三月爲期。

四年。己卯。大疫。九月宮成。還御。進造宮諸司位。

十月。詔道長行京官。除日於直廬。儀准攝政。道長欲太子早登位。數諷上遜位。上眼疾增劇。不能視朝。乃有此命。罷內大臣公季左大將。以大納言藤原賴通代之。賴通道長子。帝謂左右曰。吾委除日

於道長。道長所為不公。自取冥譴。朕不與焉。十一月。禁內火。復徙枇杷第。目疾不愈。道長使醫官以寒水進金液丹。遂喪明。

五年。丙辰春正月。天皇讓位皇太子。立敦明親王為

新帝。儲貳敦明。皇后所生也。時道長奏請立敦良。

帝不聽。遂立敦明年二十三。長於新帝十四歲。敦

明不自安。帝欲右大將實資為東宮傅。實資以衰

老不堪辭。朝臣擬東宮屬者皆固辭。右大臣藤原

顯光女為敦明妃。乃以顯光為傅。

後一條天皇

諱敦成。院藤原氏。攝政道長女。在位二十

十一年。改元四曰寬仁。治安萬壽。長元。崩。壽十九。火葬。藏骨淨土寺。

二月。天皇卽位于大極殿。帝生甫九歲。左大臣道

長攝政。尊先帝曰太上天皇。夏四月。課諸國造

官。冬十月。道長罷左大臣。

寬仁元年。丁巳春三月。顯光轉左大臣。公季轉右大

臣。權大納言賴通為內大臣。道長罷攝政。以賴通

代之。位班左右大臣上。夏四月。中納言教通兼

左大將。教通賴通弟也。夏五月。太上天皇崩。葬

三條天皇。秋八月。廢皇太子敦明。立敦良親王。為皇太弟。初。大傅顯光以舅故。每事擁護太子。然朝臣憚道長不敢起居太子。及上皇崩。益甚。東宮官屬至。厮役皆不肯供職。太子不能堪。欲託疾逃。道長又使參議藤原兼隆等怵太子。太子愈懼。名道長子能信。言其情。道長喜。謀之大納言源俊賢。俊賢使速決計。乃急奏帝及上東門院。門院曰。果然。宜立敦康。從先帝遺旨。道長曰。彼無外戚援。不可。遂矯詔廢太子。太子母堀河太后聞之。驚往。

視不及號泣。道長病之。奏賜號小一條院。置年官。受領吏。准上皇封戶。仍舊。又納其第五女為妃。以慰之。且掩物議。故妃延子歸家。憂憤薨。妃父顯光哭之一夕。鬚髮盡白。冬十二月。前攝政道長為太政大臣。叙從一位。

二年。春。辭太政大臣。夏四月。宮成。還御。冬。十月。立道長第三女威子為中宮。中宮長於帝九歲。帝尚幼。以中宮匣奩為戲玩。於是道長一家三后。帝與太弟並為外孫。嘗同集上東門第。道長喜。

前參照

作歌自頌。以月望無缺自喻。以語右大將實資。使和之。實資辭曰。秀歌不和。自古然也。十二月。敦康親王薨。年二十一。親王夙有令譽。為一條帝所愛。憚道長不得為太子。及小一條辭位。上東門院欲援立之。亦不果。門院厚資給之。又以其妃為攝政。賴通妻妹。得其助。家繼得不乏。

三年。夏。刀伊賊寇壹岐。殺守藤原理忠。遂犯筑前。太宰權帥藤原隆家遣前少監大藏種村等。逆擊大破之。詔進隆家爵。以種村為壹岐守。隆家伊

周弟以敦康親王不得儲位。憤歎。欲請外任。會帥闕。奏請得之。有治績。是春。壹岐對馬有警。驛奏請敕符。敕符未至。而有此寇。隆家發兵。諸將以賊船多。請益戰艦。種村不可。奮進捷報。朝議以其私發。不宜加賞。大納言實資引寬平中對馬守防新羅寇得賞例。曰。有功不賞。何以厲後。大納言藤原齊信亦同其議。乃與賞。夏五月。左大臣顯光薨。冬十二月。內大臣賴通改攝政。為關白。

四年。庚申。夏。痘行。帝亦患之。因詔免諸國調庸逋負。

日本政記 卷之六 續

日本正言 卷之六 賴氏正本

疾病者遣吏撫視。

治安元年辛酉夏六月以右大臣藤原公季為太政

大臣賴通為左大臣賤如故實資為右大臣教通

為內大臣尋以實資兼皇太子傅。

二年壬戌秋七月先是道長創法成寺於京極擬興

福寺究極土木未成而獲病乃課諸國督役速成

帝臨幸落之。

萬壽元年甲子秋幸關白賴通賀陽院第觀競馬

四年丁卯春京師多盜入禁中奪物三月右近衛

府圖書寮火。冬十二月前攝政道長薨。先是三

條皇后及太子妃前後崩薨。皆道長女。道長立朝

四十餘年。始遭凶事。遂哀戚致病。帝臨視問所欲

言。道長曰。臣復何望。唯法成寺成。董役者未。被賞。

為憾耳。帝即敕加家司等位。賜寺封五百戶。遂薨。

年六十二。世稱法成寺攝政。又稱御堂關白。此時

禁諸國吏營宅過制。及六位以下。版築作垣。檜皮

葺屋。而道長造營。僭禁宮。取材木徒役於官。

長元元年戊辰秋前上總介平忠常作亂。下總。攻殺

日林敘肥 卷之六 賴氏正本

安房守遣檢非違使平直方等。下官符東海東山

二道發兵討之。是歲太政大臣公季薨。開院

三年。庚午安房守藤原光業畏忠常。奔印鑑奔還。以

平正輔代之。秋九月。召還平直方。敕甲斐守源

賴信。率坂東諸國兵。討忠常。忠常負山帶湖為固。

賴信襲執之。撫降餘衆。

四年。辛未夏。攜入京師。忠常途病死。斬首以獻。叙賴

信從四位上。為上野常陸介。賴信以老不堪遠任。

請改守丹波。不許。

五年。壬午大旱。諸大川皆涸。

六年。癸酉盜入禁中及東宮。

七年。甲戌自春正月。至秋七月雨。八月大風洪水。

九年。丙子夏天。天皇崩。在位二十一年。年二十九。五

月葬。後一條天皇。帝每憚勞民。及葬。役夫相語曰。

二十年間。使吾儕息肩。今豈不效力。

後朱雀天皇

諱敦良。後一條同母弟。在位九年。改元三。曰長曆。長久。寬德。禪。

位皇太子。崩。壽三十七。火葬。藏骨於圓教寺。

秋七月。天皇即位于大極殿。年二十八。左大臣賴

通關白諸政如故。

長曆元年丁丑春立禎子內親王為中宮。二條帝女。

母枇杷皇后。以道長孫女入內。三月改號皇后。立

女御嫺子為中宮。初上在東宮。納道長女嬉子。生

皇子親仁。又納禎子生皇子尊仁。關白賴通無女

可納。而嫺子其妻妹也。故養為子。納之。秋八月。

立皇子親仁親王為皇太子。

三年己卯春以圓城寺僧止明尊為叡山坐主。僧徒

以其非慈覺徒不受。群聚訐迫關白賴通第。打破

其門令檢非違使驅退之。執首惡下獄。二月僧徒

放火高陽院捕獲之。夏禁內火。秋七月徒御

京極院。秋中宮嫺子崩。冬納內大臣教通女

為女御。

長久元年庚申夏京師盜賊僧徒帶弓箭殺人行火。

懸賞購捕。秋大風八省堂倒。京極院火。徒御內

大臣教通二條第。課諸國造宮。

二年辛巳冬十二月宮成還御。

三年壬午春圖書寮火。冬十二月禁內火。避大政

日本正言 卷之八

官廳

四年。癸未春正月。行諸節會于官廳。已徙御一條院。

冬十一月。右大臣實資罷右大將。以權大納言

藤原通房代之。通房賴通長子也。十二月。一條

院火。徙御東三條院。

寬德元年。甲申夏。大疫。四月。右大將通房薨。秋

八月。宋商至。但馬遣使存問。使奪其財物。宋商訴

命悉還與之。筑前人清原守武坐私入宋。流佐渡。

冬十二月。上視除日。見大人於屏風上。自是不

豫

二年。乙酉春正月。大漸。讓位皇太子。以尊仁親王為

新帝。儲貳。以中宮大夫藤原能信為東宮大夫。時

帝召關白賴通命之。賴通以尊仁非藤原氏出。不

欲立。對曰。事未晚也。賴通退。能信近御床。奏曰。陛

下欲以第二宮。付何僧。上曰。朕將置之東宮。何謂

付之僧也。能信曰。苟然。早決之。不可過今日。過今

日。恐有他故。帝悟。即日立為皇太弟。能信賴通弟

也。天皇崩于東三條院。二月葬後朱雀天皇。

日本政記 卷之八 賴氏正本

後冷泉天皇

諱親仁。朱雀長子。母贈皇太后。藤原氏攝政道長第四女。在位

二十三年。改元。四月。曰永承。大喜。康平。治曆。崩。壽四十四。火葬。藏骨圓教寺。

夏四月。天皇即位于大極殿。年二十一。左大臣賴通。關白庶政如故。以權大納言藤原賴宗兼右大臣。將賴宗道長第二子也。

永承元年。戊戌春正月。右大臣藤原實資薨。實資剛直明達。不惑邪說。初攝政。道長專權。舉朝阿附。實資獨侃然正色。屢發忠憤。天子倚賴焉。上東門院入內。道長乞一時名流。作和歌屏風。中納言藤原

公任為選首。華山法皇亦有御製。實資時為大納言。獨拒之曰。安有官列上達部。而為女御資裝者。邪。後一條帝有凶夢。或勸講最勝經。實資止之曰。陛下唯正己修政。邪不能犯也。僧明尊自稱夢有關寺牛自稱迦葉佛。往膜拜。朝野翕然群詣。實資獨不往。道長家臣病有憑者。妄語實資適往。輒懾伏曰。吾懼見此人。病乃已。

賴襄曰。藤原實資可謂大丈夫矣。當權臣擅政。舉朝攀附之時。雖天子猶伺其喜怒。獨實資以

其同矣。特立不阿。至天子倚賴之。以爲安。可不謂大丈夫邪。如不肯書上東門院之屏風。激一世不振之士氣。吾讀史至此。未嘗不想見其人。以如此之世。猶有如此人也。又讀至其辭爲皇太子傅。則有異焉。敦明。權臣所不欲立。而天子立焉。倚實資以扶植之也。爲實資者。何不慨然以身許之。而以衰老不堪爲辭乎。此時實資以大納言爲右大將。蓋歲七十矣。後五年。乃遷右大臣。兼皇太弟傅。所謂皇太弟。乃權臣所欲立。

也。誠使衰老不堪。何以辭於前。而不辭於後。後又二十餘年而沒。蓋儿十矣。其矍鑠可知也。則前之辭者。非遁辭邪。觀實資之不素。非怵禍。福喪廉恥。唯官爵是恋。如當時公卿比也。豈度時勢之不可爲焉爾邪。苟然。何不併辭其官。高視事外。而撫仕。至死乎。抑以已受國恩特厚。不敢退就安。姑與權臣共事。以匡濟其太甚耶。或以吾論實資爲苛也。夫唯實資也。故吾苛論之。當時舉朝之士。皆婦人也。婦人不足責。有一丈夫。

日本政記 卷之八
焉。吾烏得不責以其道哉。如源顯基之事後
條崩後。辭官隱居。卻醫藥以死。則疾世濁亂。潔
身而逝耶。審能然。是之謂真大丈夫。

二月大政官朝所火。秋七月。立女御章子內親
子為中官。冬十月。官成還御。

二年。秋。教通為右大臣。賴家為內大臣。是歲前
權中納言顯基薨。顯基大納言俊賢長子。仕後
條帝。受恩遇。及帝崩。不欲復立朝。削髮隱大原。患
疽。喜曰。病至死。心不亂者。唯癰疽。卻醫藥而逝。

三年。冬。禁內火。徙御京極。

四年。夏六月。皇后皇太弟所居閑院火。

五年。春。流大和守源賴親于土佐。賴房于隱岐。

先是賴親許興福寺僧徒不法。僧徒怒及其館。賴親父子防戰多殺傷。僧徒來訴。故有此命。

六年辛卯春正月。小一條院薨。二月。立女御藤原

寬子為皇后。關白賴通女。秋。冷泉院成。徙御。

七年壬辰大疫。

天喜元年庚巳秋。上患瘡。徙御賴通賀陽院第。

二年甲午春。賀陽院火。還宮。秋。徙御京極院。冬。

京極院火。徙御賴通四條第。

三年乙未夏。毀冷泉院。移造一條院。

四年戊申春。一條院成。徙御。秋七月。彗星見東方。

八月。陸奧會長安倍賴時反。救陸奧守兼鎮守府將軍源賴義討之。賴時自父祖世為會長。至賴時。

略有六郡。據衣川。擅海利。不輸貢賦。時出兵侵掠。國守不能制。朝議以賴義賴信子得東人心。乃命

此任。會有大赦。賴時大喜。厚贈賴義。賴義任滿將還。有夜斫屬將藤原光貞營者。賴時子貞任嘗求

婚光貞。光貞鄙之。不許。故報其怨也。賴義欲叔貞任。賴時乃閉關復反。其二壻藤原經清平承衡在

官軍或言水衡貳賴義叔斬之。經清不自安去歸。賴時賴時益振。賴義以討賊自任不敢歸。

五年丁酉春。賴義招降俘囚。會安倍富忠。要擊誅賴時。貞任勢猶張。時歲荐饑。九月。賴義奏請輸兵。

食久之不至。乞援於出羽守源兼長。亦不敢出兵。經清造私符。徵諸郡兵食。曰。用白符勿用赤符。赤

符官符也。國民靡從。賊軍益張。

康平元年戊辰春。中院火。延及諸殿。

二年乙亥春。一條院火。徙御。賴通三條第。夏大雨。

洪水。秋大風。是歲盜屢行。火皇宮。

三年庚子秋。關白賴通罷左大臣。教通為左大臣。賴

宗為右大臣。權大納言藤原師實為內大臣。師實。賴通子。

四年辛丑冬。賴通為太政大臣。

五年壬寅夏。罷教通左大將。以師實兼之。秋。賴通

辭太政大臣。關白如故。陸奧守源賴義以出羽

會清原武則等。討陸奧賊。大破之。斬賊酋安倍貞任。傳首京師。詔叙賴義正四位下。為伊豫守。武則

從五位下。爲鎮守府將軍。先是以賴義任滿。以藤原良經爲陸奧守。以賊未平。辭不往。又以高階經重爲守。兵民服賴義。不受其節度。經重乃歸。賴義招致武則。得兵萬餘。進攻賊小松柵。拔之。貞任來戰。武則曰。賊不固守。困而出戰。是我利也。速戰破之。乘勝衝其巢窟。終斃貞任。獲經。清斬之。賴義曰。猶能用白符邪。以餘黨未平。猶留陸奧。人引始實七年。甲辰春。賴義以諸降虜。至京師。敕放之。伊豫冬。罷賴宗右人將。以權大納言源師房兼之。

治曆元年。乙巳春。右大臣賴宗罷。夏。旱。先是賴義請賞陸奧役將士有功者。朝議久不決。以故未赴。任公私督責。踵至。賴義以私物進濟。又遭旱不登。因上疏請再任。六月。藤原師實爲右大臣。源師房爲內大臣。師房具平親王長子。知關白。賴通妹醜。故娶之。賴通喜。故累遷至此。

三年。丁未冬。十月。行幸賴通宇治別莊。以賴通准三后。賜年官爵。如忠仁故事。初。賴通捨莊爲寺。曰平等院。敕賜封三百戶。已而罷其關白。特敕咨詢政

事。

四年。戊申夏四月。以左大臣教通關白庶政。賴通意

欲讓其子師實。啓之上東門院院以道長風志

在教通。遂命之。帝崩于賀陽院。五月葬後冷泉

天皇。

賴襄曰。昔者元魏之衰。羽林騎焚張彞第。而魏

主不問。高歡觀之。謂天下之事可知矣。歸散財

結士。我長曆天喜之際。有類於此者。延曆寺僧

徒抗訴。迫關白賴通第。打破其門。已而放火。高

陽院夫賴通之名位。不翅張彞也。而僧徒非羽

林之比。天下之事。為何如哉。後興福寺徒又攻

大和守源賴親之館。而朝議流賴親于土佐。不

亦甚於不問乎。而陸奧之酋。侵蝕六郡。不奉貢

賦。源賴義以國守計。征勦之。借出羽酋之力。纔

能平之。朝廷遣代人。而兵民服賴義。不奉其號

令。賴義以獨力。經紀二國十餘年。及奏捷。為將

士請賞格。朝議久不決。其後賴義子義家再平

陸奧之亂。而朝議以為私鬪。又不與賞典。非源

氏父子以私恩撫緝之。則東國豪傑寧能帖然哉。高歡自以其意結納之而已。我朝則驅而歸之其手。我朝紀綱之廢甚於元魏。而源氏父子智勇固過於高歡。異日源氏坐奪朝權者決於此矣。朝廷公卿方以聲色歌詠為事。而血戈汗馬之勞委之邊鄙之吏。又不肯償其勞。而欲偃然長詘於其上。是天道所不與也。大凡治安之久。上者亢而不下。下者滯而不上。上下之間痞痛不通。而天下覆矣。下者反制其上。上者反制

於下。必然之勢也。當是之時。英偉俊傑之士多生於下。而上者皆猥瑣頑鈍無耻之人。是之謂氣運之變。故其勢不得不反覆也。噫。可不慎哉。

日本政記卷之八

